



静脩先生文集卷之四

容城劉因夢言甫著

七言古詩類

桃源行

六王掃地阿房起桃源與秦分一水小國寡民君所  
憐賦役多慙負天子天家正朔不得知手種桃枝辨  
四時遺風百世尚不泯俗無君長人熙熙漁舟載入  
人間世却悔桃花露踪跡曾聞父老說秦強不信而  
今解亡國画图曾識武陵溪飛鴻滅沒天之西但恨  
於今天千載不聞再有漁人迷

徹九重正是明良全盛世應知審諤樹勳庸  
簡孫蜃翁時以中丞按東魯河道

內臺持憲屬才雄重鎮分符列上公水合濟河思禹  
績山當鄒岱攬民風皇畿北甸星辰拱郡國南分  
貢賦通乘暇謫僊樓上望絃歌聲散海雲空  
卧疴長安喜友夜過懷寄朱夷白朱大南二  
中山人

索居慰藉有同羣促膝然爐夜欲分七發客言能起  
疾千杯魯酒不成醺月明誤道山陰雪風遠翻同塞  
北雲已分歸來尋舊隱山中先爲勒移文

再寄朱山人

風寒日暮喜相過有客文園獨卧疴琴裏思歸商操  
急客中懷遠越聲多褰簾見月光如洗對酒成春氣  
自和此夕天涯俱浪跡令人回首媿羊何  
茫然空谷忽聞聲自喜開簾倒屣迎秉燭夜從歡處  
短披襟暖向酒邊生雲霄終是鸞凰志道路其如牛  
馬名寄語朱公休見絕滄江歲晚締交盟

病中答友友來詩云輸我一籌唯縱飲蓋譏  
余以弗能也故反嘲焉

尔居東角我西頭對面高城兩處樓徐邈飲中深得

趣虞卿客裏獨羈愁一時一日皆為別相恨相望即  
是秋唯有往來通夢寐夜寒明月御溝流

倪中翰會飲卧病不預戲簡

栖栖遲晚暮彈冠易水燕山行路難落日那看官舍  
冷西風偏着客衣單心憐歸鳥猶知倦身嘆飛蓬不  
自安見說忘憂惟是酒何能共取一追歡

至後無雪倪中翰燕集探韻賦詩諸友會予

採薪之憂勿克俱次日遣和

蘭室香靄暖氛氲戾至翩翩鸞鷲羣已覺陽春枝上  
動惟憐白雪曲中聞酒杯共倚南山醉辭藻相輝北

斗文慙媿相如虛末坐文園消渴卧寒雲

冬仲過六果園晚眺明心寺

南北驅馳馬足頰西山在望鬱嶙峋砂墟向暖旋消  
凍郊野無風自起塵六果園中淹宿夜三千里外未  
歸人由來宦達元非分時與禪林結靜因

冬夜集呂子別署

官寮閒散竹林人一局楸枰酒數巡溪映舞筵冰鏡  
潔月臨歌檻畫眉新漢宮柳色初含臘上苑花枝已  
待春坐擁狐裘文綺席不知門外有風塵

再得枝字

潘生拙宦久棲遲上苑聊同借一枝心飲醇醪恒自  
醉臭齊蘭蒞本相期月光暫照氍毹席春意偏私綺  
繡帷莫道閒寮頰晏晤幸逢 明盛樂無爲

季冬十二夜集友寓

玉盤河北銀絲鱠金竿江南竹葉青明月未圓猶待  
望文園相聚卽爲星堂高錦色無重幄夜靜風聲忽  
滿庭千里不知同在客二三元是舊忘形

是夕飲白酒嗽  
銀魚宛在故鄉

壽友人五秩

高冠切雲特鬼裁五十功名髻未皤斗酒縱歡猶謂

少千金爲壽詎云多瑤壇裡祀通宵直瓊館迎僊向  
盱過得賜 軒皇靈鼎藥共承禧福保山河

臘日席上賦雪中山茶

名出本南山來依瓊苑間陳主歌前樹楊妃醉後顏  
爲嫌朱太赤故着粉微斑共言攀折處已獲寶枝還

冬暮憶江梅

歲暮思鄉思轉頰南枝春信每先春流香閣外雪初  
霽叢玉臺前花湯新若箇要歡歌月夜有從言采涉  
江濱年來莫訝開何晚應是含情待遠人

首春高子元見過留宿

共君卮酒且爲歡末路支離轉覺難漫道王陽能結綬遂令貢禹欲彈冠薊門夜雪平深尺燕塞春風不解寒土炕即成高士榻煤爐相向一燈殘

新正九日雪晴過友寓

閒愛幽居一徑開靜看殘雪點蒼苔窓前有几書常滿琴上無絃風自來南國舊游俱白髮他鄉新酒又春杯與君只隔東西巷日莫應須興盡回

賦得雪中竹

六出間修竿飄灑正宜看綴玉將成實生花亦耐寒光迷三益徑影照獨棲鸞何以驗堅節蒼翠不凋殘

夜過湯懋昭張料絲屏燈因共賦詩

雕屏開幾疊珠暈積千層駢連非待貫文縷自相仍鮫室冰花滿驪宮彩燄凝坐令三五賞不重九枝燈

春晚同友過普恩寺

三年空賦式微歌欲去其如羈紲何寶刹偶同塵外賞香臺聊向月中過春風繡影心難定世路空華妄轉多未得相從聞道訣且將杯酒慰蹉跎

和倪子春夜應召之作

臨軒虛席啓重帷聖主勤勞燕寢遲方朔獨承金馬召子牟應慰廟廊思月中宮近長無夜天上花開

不待時欲識老臣猶矍鑠但看拜舞在彤墀

春日戴錦衣讌賞桃花

將軍來自武陵鄉和露栽花拂檻長袍色奪將枝上  
錦杯文分取日邊香萋萋佳蔭成蹊徑灼灼疑霞閣  
洞房莫問三千年外事一番開落任流光

王給諫祖母楊太夫人壽章給諫忻州人

養堂弘敞日融融玉樹芳蘭復幾叢已有義方標漢  
範更從儉朴見唐風忻古唐國其俗勤儉質朴黃河接漢源同遠  
北岳齊天壽比崇願上黃封新賜酒瞻依青瑣五  
雲重

張給諫母夫人壽章給諫南昌人

張公論事每回天寵錫因推慈範賢日下舞衣宮錦  
爛雲邊封綉紫泥鮮幽貞妙母元聞道肝烈母許氏許遜妹號聞  
道妙母同婉孌麻姑只少年章郡自來多瑞秀鳳皇  
遜昇僊山下幾雛雛鳳皇山在豐城晉時鳳將九雛於此

首夏約友游西山讌集

未日薰風夏令催西山遙望鬱崔嵬空中飛絮撩人  
去巖畔餘花待賞開寶樹香林堪息影清泉碧澗可  
浮杯與君莫負山靈約早晚移文獻哨來

五日出南郊

佳辰徵逐出城闈  
柳榭荷亭近水濱  
車騎競流塵  
作浪壺觴駢坐草  
為茵鶯聲歌曲元  
相合花色穠粧各  
自新  
總是京華行樂地  
三年空使黯傷神

觸熱過程上林竹軒

河朔相逢只酒杯  
西軒長日共徘徊  
匡牀散帙踈簾  
靜石壁迴風北牖  
開竹少聊追三徑  
賞花多因借上林  
栽為言程曉休嘲  
客襍穢還應觸熱  
來

翟進士席上賦得雨中移竹

丞相堂開綠野東  
脩然勁節此君同  
擅樂欲擬瀟湘  
清蒼翠先分嶰谷  
叢為待成龍須得  
雨即看翔鳳直

凌風相過惟有求  
羊輩三逕留連  
杯酒中

貽陸一光祿其王父東濱公光祿卿

煌煌錦帶玉璫玕  
寶馬朱輪耀路明  
晉代聲華江左  
陸漢廷年少洛陽  
生上方分署連清  
禁鼎寶均調佐  
大烹舊說相門還  
出相今看卿是爾  
家卿

不喜盡壽湯懋昭

玉皇香案列僊班  
鳳翼龍鱗喜附攀  
近日傳宣敷奏  
入傍花鳴珮散朝  
還聲稱已屬中臺  
重鞍綬頻承綵  
色殷五十功名非  
謂晚只今雙鬢不  
曾斑

春日友人携酒釣魚臺  
燕集得尊字按臺建



春自金一名花園村王蔚隱此蔚金尚書左  
丞香河人

釣魚臺外傍花園人去臺空水自存香落踈蓮秋渚  
淨涼歸高柳暮蟬喧山公聊駐池邊馬阮籍仍開竹  
下尊盡道江南應得似桔槔幾處荻蘆村

六月廿八夜會飲諸友二首

歡言列讌敞南榮徙倚中庭夜更清八月秋光行欲  
半九霄蟾影爛將盈杯分金掌千年露坐攬僊人六  
着枰古樂府僊人攬六着既醉無歸翻作晝當筵何必夜珠明  
燕臺秋霽夜何其山遠雲開月不遲金闕寒光虛暎  
水桂輪香影半含枝暫經楊柳窺書牖漸轉闌干倚  
酒卮為使興情留未盡真須三五是佳期

十五夜友人燕集

游衍清秋敞暮筵西園明月正娟娟偏親歌扇催杯  
進故上粧樓妬鏡圓窓映不分雲母隔簾虛因借水  
晶懸風來何處覓裳曲只在蓬丘西海邊

十六夜月稍虧雲翳微茫友人餉以觴酌

見月長安驚客心俄當滿好忌相侵生憎此夕光輝  
減訝許浮雲點綴陰既已能全成璧玉何須為曲化  
鈎金由來盈缺元無定但共逢時醉夜深

賦得秋籬探菊

悠然南山隱露下秋風吹舊來三徑處今有幾叢枝  
翹穎將無待幽芳恒自持願言同采采心賞遲佳期

秋夜聞箏

伎樂列庭除音譜出秦餘玉柱斜還促朱絃直以踈  
雲鴻秋塞遠風葉夜窓虛一彈歌一闕不飲欲何如

九日寶恩寺集二首

薄游從薊門選勝得祇園欲把陶潛菊聊同慧遠尊  
雲霞方薈蔚鴻鵠復飛翻悵矣秋風晚南山孤願言  
乘秋探淨域過午忽聞鍾地勝皆成寶山迴欲似龍

酒杯汎黃菊談柄取蒼松暫謝塵中鞅聊憑物外踪

呂僊祠賦秋水蘆花

叢葦媚漣漪繁花鏡裏披沙明驚雪早波靜覺風遲  
鳥下機能息魚游樂自知薄言遵曲渚載詠濯纓詩

對月

瑤島俯清池宴坐意遲遲明月還相照真人若可期  
淵龍疑化劍雲局尚畱棋欲奏懷僊引因攀芳樹枝

席上賦玉堂菊贈別

彼美凌秋質標芬翰墨林霞文呈綵綬金色表堅心  
涼露偏承渥寒風莫受侵餐英同汎酒聊以慰離襟

三殿告成志喜

雲榜天題符 聖作休光佳氣鎮長浮清都奕奕分  
三殿蓬闕將將翼二樓五極辰居中建立萬方星拱  
幾環周微臣欣荷忭懽德竊附聯翩燕雀儔

詠梨漿

御宿金柯初薦實上林縹蒂乍辭枝流膏帶冷凝成  
醴剖雪和香化作飴消熱自應瓊液並釋憎未許蔗  
漿知願調太上玄光藥奉進 君王白玉卮

送寮友呂子予告還真定真定趙地時呂子

病目

三年宦路諱交盟一日河梁送別情塞上晴山行有  
色城邊寒水咽無聲文園謝病知司馬白壁完名識  
藺生此去不違天咫尺與君快覩太階平

月中步雪

月如皎鏡雪如茵一片寒光兩映人天路向明寧讓  
曉瑤花先滿已偷春風來飄舉聊成馭步入清虛不  
染塵餘興夜深猶未盡翛然鶴望望丰神

初春同友登毘盧閣言別

宛轉盤空舉足高不知漸已逼層霄暖容萬樹春初  
動霽景千峯雪欲消宸極佇瞻開象魏天風借便度

簫韶憑臨且盡離尊醉悵望其如去路遙

登閣遲鳳麓秋曹不至鳳麓將還南都

刻楠雕楹百寶欄懸梯層陛鬱千盤煙霧去地隨風  
散山色侵衣帶雪寒鷲刹直從天上起蓬萊倒向海  
中看憑高欲附冥鴻迹猶自關河滯羽翰

賦得雲母燈

裁成雲百疊製出月重輪光滿將爭晝冰輕已向春  
水中蓮作炬鏡裏玉為人願使分餘照毋令委暗塵

贈別姚繼文三首

懷彼荆山璆卓犖重自珍銜飾非所尚疇能鑒其真

一言起瑕瑜遠道溷沙塵豈不惜棄捐所貴無緇磷

幽蘭依玉除願言托終始當門柰相妨一朝被見徒

白日垂餘照驚飈乘夕起芬芳有本性所在以為美

孤鷓去何之於心悵有違昔為相和鳴今作離羣飛

瓊樹生高岡春陽靄朝暉何時集爰止將須復來儀

劉少巖秋曹夜集

旅食游京華行復三月過厠跡白駒場欣遘鳴鳳阿  
隨時弄觚翰乘夕偶弦歌眷此椒蘭室酌彼金叵羅  
婉孌飲人和旨酒豈足多良由醉其心令我顏自酡  
空庭來遠風披襟對明河暮春非長夜為歡能幾何

會臺雜述十首為李東岱作

薔薇垣

花作雕鏤巧枝將數仞齊縈紆香徑隔杳杳使人迷

柳塘

蕊彼柳千條濯濯映芳渚春風隨意來絲蠻在深處

百花樓

晏坐一樓春芬芳與結隣不知凡幾樹種種可憐人

葡萄泉

葡萄甘可釀泉水澹能深甘澹誠有異取之由人心

檜屏

攀林入葱翠去路無直捷蜿蜒蚪龍枝展作屏風疊

觀魚梁

風文引碧藻雲影媚清漣會有知魚樂非是羨臨淵

棲鳳軒

竹生自有枝鳳飛亦有時一枝良可托願子聊棲遲

梧泉

浙浙梧桐枝泠泠流水音鼓之以清風併為自然琴

餐霞館

真氣應初陽氛氲五色光聊叅吐吸秘以慰飢渴腸

桔槔亭

灌園北山陰激水響空林  
取代抱甕勞匪逐機械心  
劉生二首  
奇氣有劉生由來俠烈名  
發鈐師尚父計術取陳平  
願日麾戈挽迎風出劍鳴  
一行方許國無往不先聲  
氛祲兼烽起兵符借羽飛  
疾馳千里足輕冒百重圍  
掉舌為籌畫搖鞭當指麾  
將酬國士遇須驗折衝威

和荅劉少巖

為逐金門隱蹇就幽人  
廬刻燭聞高詠披帷見異書  
花暗前峯暝雲涼北院  
虛新知歡不足夜久當何如  
夏日同友過師太常松岡  
僊署玩所藏圖籍

既而酌酒命奕

金門僊吏紫霞居  
松牖清涼菌閣虛  
黃石由來藏秘簡  
嵇康徒自解丹書  
開簾晝命風前奕  
秉燭宵停花外車  
不覺厭厭歸太緩  
相將漏下一更餘

神樂觀師太常樓居

南郊壇墀接丹丘  
芝檻蘭房白日幽  
逸客手談忻六着  
僊人居處好層樓  
瓊桃為餌千年實  
玉髓成漿五色流  
廣樂時時成一奏  
鈞天何必夢中游

馬幼溪分教山陰  
兼簡章小山餘姚  
邑博會境豐山水  
江左多英賢抗迹  
並棲託流風至今  
傳

二妙復競爽繼武相周旋章子蘊珪璋馬生握蘭荃  
講席響然臻師門各有專孚化示默成飭躬勵貞堅  
俎豆旣莘莘子衿何翩翩昔也文命敷今覩風教宣  
探穴窮竒秘臨池賦雅篇往來鏡中行况有剡溪船  
茲游懼難常參差起高騫

黎雲野選部出補廣西大叅

汲黯樂禁密陳咸憤踈逃苟懷齊契心中外唯所適  
衡管屬清通屏翰藉材哲綰綬出承明改服謝朝列  
揚旌向嶺表投傳憩駱粵桂林秋不凋炎江冬亦熱  
仰視孤鳶墮俯念雙鴈別

送陸月波

浙浙秋風班馬嘶相逢莫道去官遲穆生設醴三年  
外張翰思鱸八月時後圃待開栽竹徑前湖擬作濯  
纓池承懽絲管登樓處悵望迢遙易水湄

癸丑歲倭奴寇鹽官諸境感時紀事漫成數

絕

介士雍雍盡雅儒暫勞戎馬載馳驅但將不戰收全  
勝執獲逋民當獻俘  
河壑悍勇利風波翦網輕操疾似梭銛義擊石當津  
許欲渡難飛柰我何

溪浜林薄為城塹輪棘鋤耨當短兵聯比追胥相守  
望何愁群盜恣橫行  
窮寇緣山近太倉時時奔雜向錢塘休誇將帥瑀  
勁但怕僧徒鐵杖長  
倭夷南寇動成群自晝風塵暗海濱見說黃泥殲縣  
尉更傳白馬殺官軍  
海門波浪接風烟鼓角頽城誼暮天無策即驅窺境  
盜飛書又報下洋船  
蠻舶乘潮夜寇關將軍秣馬月明間輕身攘袂出門  
去裹血輿尸海上還

台徒好勇不知兵青幘朱襦應募行酬賞但期山岳  
重捐軀奚啻一毛輕

默運籌謀帷幄內坐當兵甲咲談中何須復假如臯  
射掩取先收一箭功

虞人獲弩發機僅斃一盜

四月四日日傍陰曠吞盪有若重輪

落日暎晚天蒼洋霧曠如輪夾日翔豈是堯明常並  
出須知舜德自重光

兵火後遣別所知

未見長相思既見輕相離昨昔同衾裯今旦各路岐  
路岐何嶮巖行行復遲遲悲風鉦鼓鳴白日曜旌旗



豺虎正縱橫海壖皆剗夷媿無蘆食謀鉛刀亦何施  
且當秉高尚息景吳江湄江水浩且深一去杳難期  
雖無千里別良使寸心馳

震澤鎮古檣

澤通天目水地接五湖濱殘花二三月孤檣幾千春  
市傍鳴杼室陌上偶耕人言將來避地非是學秦民

平望道中

相看梅堰近一望碧湖平鶯脰將為水楊花欲化萍  
繫桑林屋比隔樹渚河明往往迷津渡逢人問里名

送友入京

少年擊筑客燕都白眼行歌過酒壚寧知意氣成衰  
暮為謝同游飲博徒

秋暮獨坐

厲厲風力勁冥冥雲氣重石蹲將類獸樹起欲如龍  
黃葉綠簾入蒼苔上砌封細酌幽瀾水悵望求羊踪

三塔禪房

風酣花下酒雨卧竹間房自有浮杯度奚愁歸路長

贈友

昔往憐春晚贈我瑤華辭今來嫌夜趣酌子流霞卮  
月出蘭房淨風動蕙幃披雅音稀曲和幽意託琴知

製服裁荷葉為冠取竹皮奚能巧千宦但以拙違時  
澤廣波濤振山空洞穴竒巢無常定處植有自然枝  
玉筍雲邊啓瓊漿石上携却咲嵇中散嬾嫚少僂姿  
寂滅從吾道無為本上乘莊嚴心即佛圓照智為鎧  
雲牖秋光淨花階午氣蒸由來少喧濁自尔絕蠹蠅  
市中成上隱方外習清修傍水微通徑依林小結樓  
忘形齊委蛻無意即虛舟願叩真詮秘凝然了不酬

雪後間晤姚子隱居

高卧袁安乍啓扉故人踪跡未應稀殘痕猶覺餘寒

在積晦翻為細雨飛杯螿含香春汎汎燭茗迎咲靄  
微微經年詎易頻相見莫學山陰空棹歸

重陽前一日宿硤石西山

莓苔舊逕想依稀燈火深杯款竹扉雲向暝來微掩  
暖月當弦處少生輝虛巖氣爽軒窓迥落木秋高鳥  
鵲飛寄語東山黃菊道好開須向詰朝晞

賓山過村居蕪簡秋門伸九日之約

繞屋扶踈脩樹陰披榛來往得相尋晴霏藹藹將連  
幙爽氣脩脩忽滿林採掇黃花三徑僻晤談秋水一  
溪深乘時欲擬登臨處海北湖南雙峽岑

宿硤石山

裊裊山樓控絕巔飛窓高檻拂雲烟空浮已倦人間  
世靜息聊依色界天梅共雨花時不斷月同輪鏡夜  
常懸此中正是安眠地莫遣晨鐘到枕邊

詠李花

房陵元是出崑崙移栽露井傍桃根臨春却訝瑤為  
樹照夜還疑雪滿園西子臺前如欲醉將軍谿下本  
忘言整冠從此應相避葉長新枝子漸繁

詠蟹得橙字

露和香擣綠橙持杯虛有戀螯情潛身暫託鮑龍  
跡出海奚妨劍戟行

八月重過雲東莊

停舟重過水雲東八月年光彈指中賞處花枝連暮  
雨別來木葉幾秋風凝塵窓下緇經榻細路溪邊送  
客筇携酒相看一相咲婆娑今已各成翁

上巳前姚叔信晏賞真如寺同戚希仲

新賞相將屬元巳暮春三月正清嘉先脩解禊東池  
汎未泛流觴曲水涯鴈塔晴光懸日月珠林祥靄結  
雲霞應知空幻隨時令莫向風前惜落花

吳園牡丹三百餘花

裁花分圃列芳屏間紫施朱合錦成三百坐中皆絕  
艷萬千叢裏獨稱名歲粧向日酣相倚宛轉臨風咲  
若迎莫使從人攀折盡留將春色與殘英

姚山人邀賞盆蓮

杯酒坐臨軒檻外晚涼如在澤陂間  
擎風翠蓋亭亭立  
浥雨紅衣點點班  
香氣隨時盈手攬  
歌聲何處涉江攀  
且將涓勺從盆盞  
莫以尋常羨華山

中秋真如玩月

上方月白散晴烟  
嘯侶投簪敞夜筵  
桂子欲飄飛鬼闕  
珠光疑動蟄龍淵  
塔標天柱層層出  
橋化雲霓步步懸  
共道三秋今又半  
更堪追賞復經年

鍾太初席上詠杜鵑

竒葩名卉闔芬芳  
惟有川鵲獨擅場  
交萼相輝明畫檻  
喬枝直上映雕梁  
迎風萬舞春酣重  
承露新粧曉沐涼  
欲識江南佳麗地  
請看畫錦使君堂

初夏會擊竹山房

高陽酒伴數追游  
初夏林園象外幽  
花帶濕文新雨過  
竹含涼氣宿雲留  
壺觴遞次如期至  
奕博分曹抵暮休  
醉後更於歸路便  
輕舟同泛碧湖流

鍾使君席上賦得金章菊

花縮柔枝引帶長承封常染紫泥香煌煌未及大如  
斗累累能多重以黃蟲裊篆文成刻疊露團形範吐  
利方正逢專郡分符日麗色榮光獻酒觴  
鍾使君北左觀蓮因憶春初嘗一遊徂夏乃  
再過  
飄搖並進湖南艇迤邐重過郭北庄雲雜炎氛常不  
雨風含水氣併成涼採蓮池上新歌調醉竹林中舊  
酒觴從自春遊今涉夏須知好樂信無荒

同鄭子過姚叔信隱居

甍辭塵鞅偶烟霞元是南州處士家山館舊遊叢桂  
樹湖尊新餉白蓮花凌秋孤棹風初便向夜駢筵月  
復嘉恠爾躬耕巖石下却令聲聞在京華

金子以詩見貽次韻

考槃嘗詠碩人賢空谷徒歌招隱篇獨鶴忘形聊取  
友孤琴寄適不安絃玄陰大壑龍蛇遠春氣南山草  
木先彼美同懷風雅客何時看竹過幽軒

元日異風次日樵採南山暮歸觀田蠶火

雌風蓬勃庶人廬吹堞揚灰四壁虛欲問何如了生  
事年來年去一牀書

腰鎌朝出暮言旋薙草擔芻未息有新歲發春瞻杏

候何人為播白沙田  
積庾遺穰歲時豐處處田蠶野火紅里杜鈔鑼誼稚  
弱茅柴瓶缶醉村翁

奉和吳太宰二首

赤鳥鳩來歸德音良不稀甫侯崧嶽重方朔歲星輝  
道訣寰中得勲名世外違惟餘湖海夢時向帝鄉飛  
一倡郢中調彌令和者稀投金成絕響抱壁有餘輝  
儀鳳和鳴盛清風淫靡違蒼蠅營短翼難以附高飛

早春送友北邁

夙駕言將賦北征淒風苦雨黯然驚睠茲岐路脩逾  
阻酌彼春杯旨且清新草不堪頰悵望落梅何以寄  
離情舊遊久訝音書絕為道嵇康嬾性成

雨中姚子張子沈子過村居

百錢何用杖頭携酒有餘尊蟹可持彼美三人不速  
客駕言一棹每相思長風號怒經虛牝急雨湍流溢  
廣陂歡晤莫言歸去阻秋來燈火夜偏宜

過張子城南樓居

城外高樓敞遠天携家為賦卜居篇鴛湖南檻雙開  
鏡水月西窓半上弦遲晚蟹螯推紫勝知秋菊色讓  
黃先尊罍共道延新賞歡咲寧知只舊筵

送陸大行赴貴州  
靄靄春郊柰別何  
駢駢四牡日南過  
炎山花氣明旌  
旆林箐風聲式  
舞歌文軫元通  
百粵地恩波不  
阻五溪河  
惟中暫使勞籌  
略陸賈才雄本  
自多

過魏潛西

遁世嘗聞東海濱  
芝溪西畔有遺民  
斜陽影入桑榆  
蔭過雨痕收桃  
柳春荷篠丈人  
能款客移舟漁  
父欲迷津  
知君自擬潛龍  
德會見翻飛屬  
後人

晚涼友過

林靜庭虛正睿然  
求羊醉止重留  
連溪搖霽色澄  
風檻樹引涼陰  
墮月筵款夜方  
歌南澗藻遲秋  
欲採址池蓮歸  
舟莫使頰相促  
只隔鴛湖咫尺  
天

玩菊

天晴氣暖不知冬  
美色竒葩金紫  
重秉燭列筵屏  
障繞回看疑是  
繡芙蓉

酒杯暇日幾朋  
從三徑悠然自  
菊松却憶郡齋  
淹坐嘯敬亭山  
色又經冬

過張山人隱居

八月秋正分氣  
肅天無雲水將  
迷舊浦桂欲動  
秋芬揮塵王戎  
舞持螯畢卓醺  
睠茲六苙葉已  
應一鈞文

首春過禪堂

既能超境界何用限籬籬閒看一沼淨緩步獨橋欹  
道從人外得春向草頭知眷茲白日暮歸棹且遲遲  
伏日登五臺禪房時緇衆散去惟餘空室雖  
茲道寂寥而澄汰淆溷頓復清涼止有一  
僧喜作  
梵宇從將入境連閒情自與白雲偏陰依寶蓋行行  
樹平躡香臺步步蓮四地禪宮成壁立三乘輪藏倚  
空懸相逢惟有息心者木榻蒲團獨晏然

味芹齋三絕

齋心坐久淡無滋幽澗惟甘脆玉枝客至推窓香滿  
室春風不落燕巢泥

道人苦行每清飡自取冰霜澗底寒媿我不堪飢火  
熾願分法味水晶盤

問我何時復再來牡丹三月始全開狂夫未解拈花  
咲惟愛春光醉酒杯

奉次友人

少年任縱未知機老大方追萬事非綴筆瑰竒學辭  
賦傾金豪舉恣輕肥朝從柳市歌相狎夜向蘭臺醉  
不歸日晚途窮復何益席門村落故交稀



初秋答吳子喬寄酒

山阿人遠十年將相見清風薜荔裳日暮開君一尊  
酒雨餘對此四窓涼踈麻堪折新愁結團扇空捐舊  
悵長兩地相望比牛女盈盈一水沮無梁

贈蔡子

皂帽青裘見古風問言家在鳳湖東一溪澄色晴烟  
外幾樹芳陰晚照中腴壤耰鋤沮溺耦明時丘壑許  
某同知君不厭相過客為待桃花春酒紅

立秋前戚希仲招集真如

擊竹園中湖水頭入林緣徑轉深幽密雲初過西郊  
雨爽氣先迎南峽秋舍利千年餘故塔琅玕半畝夾  
清流正逢長日歡言足何用沉酣秉燭遊

友人久客燕薊初回叙別

千里頻年感別離一朝相見慰相思深杯暮雨蓮花  
酒虛館涼風桂樹枝燕止築臺空設購荆南懷壁反  
遭疑棲遲且自衡門下雙曲還伸會有時

中秋遲所知不至

故人明月兩愆期蕭瑟秋中倍所思未信月隨人向  
遠却疑人共月來遲星槎只隔銀河水天路猶芳桂  
樹枝慘慘浮雲如有意不將圓影照空卮

舊知過晤

魏武塘西憶舊秋，開尊掃榻幾盤遊。書籤藥裹各分  
几月影，泉聲併在樓。瞻眺地當吳越會，歡娛坐狎阮  
徐流。寧知茲樂難常伴，離索西風共白頭。

冬日過宿願子隱居，因念平生知舊皆已云

亡昔時遊賞，遂成陳迹，慨然賦此

背郭幽居，俯碧灣。爐熏石榻，幾盤桓。芙蓉落盡，風煙  
晚橘，袖全收。霜露寒。伯子琴中流水，引楚人籬下，落  
英。食相看白髮，無多在。追計平生，晤笑難

秋日海昌望海作

向洋延望，欲乘躡。拂日行，攀扶木，條地坼，水歸相沃。  
蕩門通山隘，鬱岩堯平沙。瀉鹵開鹽壤，亂葦生風長。  
暗潮寄語來，宿諸島國波濤晏息。聖明朝

季冬沮留瀛海驛舍

司馬文園久病中，倦游踪跡復西東。孤鴻漸遠長安  
日，匹馬猶依代北風。塵市五方塵轍驚郵程，千里傳  
繻通舊聞瀛海，登僊地歲暮冰霜獨路窮。

曉從白溝度永安城

列輔分封控址畿，行人遙望越南歸。傳餐每旦常依  
葦，憩宿連宵不解衣。樹凍冰介杳看和月冷，砂塵暗

起帶霜飛今時內地無關法不待雞鳴啓曙扉

寓河間資聖寺常山禪房因題之曰留雲館

時常山為法教長

雙樹林深久閉關睿然如出市城間湯師寄宦非從

俗昔惠休從支遁安禪本在山傾蓋晤言香案淨然

爐趺坐石牀間却疑今是三生會已許相留信宿還

留雲館夜坐

夜長人靜獨徘徊不寢其如更漏催窓紙欲明知月

上殿鈴自語覺風來佛圖澄辨鈴語身同孤燭常依影心共

寒爐併作灰豈是繙經謝靈運蕭然客寄遠公臺

有僧嘗謁禮普陀峨眉矣將復上五臺夫三

山皆世尊示化闡法地釋氏所謂經盡劫

而不壞者余雖不能至然心頗嚮往操鉢

振錫有慕於斯聊假言筌爰慰神賞

白花香香出琉璃梵云補陀漢翠黛峩峩宛若眉靈

梵有音潮自應補陀有佛光欲現鳥佛光欲現

輒先鳴曰佛現因名佛現今聞錫響排雲棧舊識杯浮渡海涯寄

語五千臺上會彌天唯有道安師

愁坐擬登佛閣

行行無定片雲浮山遠天長到處留四壁凄風新旅

舍半簷寒日舊貂裘阮生不返窮途駕郭泰難逢要  
路舟唯有城東千尺閣登臨可當望鄉樓

送趙子余友湯懋昭蓋嘗魁甲榜矣趙子乃  
其高弟斯舉也冀趙子更先之弗少讓所

謂青于藍耶

懸科獻策禮才賢九十翩翩以彙連天上名飛龍首  
榜花間人醉鹿鳴筵趙家白壁連城重相國遺經半  
部傳况是出藍青更美當場莫讓一籌先

送屠子應試

矯矯名家千里駒頻年不啓著書帷韋賢相業仍先  
世賈誼才名自少時邁往直馳霄漢路翻飛重上鳳  
凰池慚余通好薰葭末託倚分榮玉樹枝

送二姪孫赴試

得意清秋盛物華新衣滌綠試輕紗江東二陸元昆  
美會郡諸王少者嘉花萼聯枝承雨露文章五綵蔚  
雲霞吾家駿足能千里盡道淵源自渥洼

送沈子孝赴試

風流才藻拾遺君青瑣聲華自昔聞俊爽名駒真捷  
足超驥熟路在青雲恩榮故綬天香襲手澤傳經秘  
閣分九十人中高步日清癯誰似沈休文

寄吳山人子喬

江城七月火西流，晏坐空林憶舊遊。  
夢裏相求頻失路，書中託信幾經秋。  
涼歸雙樹風連榻，水帶清溪月滿樓。  
乘興不須先有約，湖平夜靜任虛舟。

秋日簡榆林所知

嫋嫋西風度朔方，嚴關烽堠肅秋防。  
沙鴻旅跡林榆落，邊馬歸心塞草黃。  
戈枕夜長驚漢月，劒歌天遠激胡霜。  
迢迢莫道瓜期阻，投筆班生正慨慷。

送沈子佐任餘干

絃歌已識神明宰，儒雅今逢清白丞。  
一水北通吳地近，千山南帶楚雲層。  
琴聲入幙鳴相和，花氣連城暖似蒸。  
遙憶官庭了公事，蒼松修竹每依憑。

秋夜

季鷹辭宦返江東，平子歸田半畝宮。  
未厭蓬蒿開晚逕，正憐鱸膾及秋風。  
露華浥袂涼如渥，河影傾杯夜欲中。  
不是北山猿鶴侶，蘭堂蕙帳孰爲同。

秋日過沈青門寓居

美人宛在鳳皇州，幽逕芳林碧澗流。  
亂草復其同倦客，斷蓬蕭瑟復驚秋。  
荆鄉水上殘虹斂，郭隗臺前細雨收。  
但使清歌能佐酒，相逢盡日且忘憂。

游白蓮寺

慧遠多年啓法臺陶潛當日賦歸來溪分燕尾金沙  
涌殿作鸞飛寶地開出水蓮花無染着馴簷鳥雀自  
徘徊誰言彼岸方能度日晚猶須假筏回

星洲山館

橋李城南煙水湄草玄居傍種瓜畸聊因星石成山

嶼墜星石在  
洲傍水中

更取湖波作沼池鶴懶無心馴狎舞花

間隨意萼多枝不嫌好事相過者每醉同舟月上時

除夜對雪

城塵簫鼓競喧囂霏雪虛堂倍寂寥既自成花還易

落若為侵髻不能消閒臨寒牖渾忘夜倦舞春雞促

戒朝願景正多遲暮感况逢茲夕歲年凋

元旦輪藏閣望雪

初年積雪肇禎祥清淨偏宜禮佛場無染本從天上  
白散花不為世間香瑤臺新霽含春色玉閣餘寒逼  
曉光不是消融承慧照眩然何以証迷方

同西省諸友登彌羅閣

閣在顯  
靈宮

聖明恭已尚脩玄才雋分曹盡列僊行拂星辰躋太  
上坐看雲雨下諸天朱宮肅穆清虛境玉座尊臨億  
萬年彷彿霓旌香霧動想應西禁法壇前

贈吳次仲南歸

白髮逢衣解果冠聲名早已動長安醉中使氣驚人  
坐到處悲歌駐馬鞍柳市當壚風日暖玉河連榻雪  
霜寒拂衣共爾滄洲意却笑三年未解官

過贈二首

白日靜彌求清風涼可嘉杯前同婉孌坐土生雲霞  
聊娛六着戲不幻頃時花僊人今有會誤道蔡經家  
弭子清風馭酌彼流霞觴道存方目擊心醉已言忘  
衣祛荷芰色眉宇金沙光儻蒙貽石髓僊分柰嵇康

春日養疴桃花里谷范菁山

身世兩相違茫然無與歸為農依石戶偃卧託荆扉  
野爨蘇陳穢溪毛摘漸肥願言從杖屨取樂桑榆暉

治長水故園值春盡諸友攜觴命韻得來字

言從長水涘行翦故山萊鳥有相求樂人今不速來  
夏陰先灌木春色尚餘杯九里樵風便輕舟薄晚回  
村居知好見存餉以壺榼二首

聞拔高士傳兼攬衛生經用損聊希道捐勞復養形

卑棲群鷄雀適足美芹萍偕彼酣中客寧知我獨醒  
養疴仍避喧微尚在丘園耳目紛華遣詩書嗜好存

冷風生地籟新雨長溪痕請此藝桑竹期無孤願言  
雨霽嘗新茶二首

故里桃花春幽居南澗濱忘機非漢叟避地即秦人  
奕譜時刪舊茶杯乍賞新日常多好事載酒一何頻  
斜日雨初收涼風來遠疇條桑初向夏麩麥已先秋  
堂有頰過燕溪多可狎鷗嵇康不偶世漸已絕交遊  
夏初諸友見過少酌別去惟姚子獨後於時  
誼既屏興未畢簾乍啓月初來命彼餘杯  
展斯促坐心賞不足詠歌繼之比及夜分  
鼓柁言返

向夕踈簾開正值月初來溪光淨虛牖林影落深杯  
雜花積輕素鳴蛙疊鼓催猶嫌興未盡弭掉復徘徊  
長水早往夜歸率以爲常

長水肅宵征中流擊楫聲湖傾天若倚舟駛月如行  
揚擲知門處桃花識里名祇應來往慣村犬不相驚  
初夏汎舟南湖遵螺潭禪居放舟花庄池館  
木蘭汎汎柳花津萑葦遙遙野水濱飛燕遡風頰拂  
棹游魚吹藻不驚人林間池館要山簡物外禪居遲  
許詢且共流連休遽返酒杯湖月正相親



秋日秋風燕賞催臨山臨水舊池臺竹林幾為携尊  
待花墅曾經賭奕戈舞影流波亭四敞譌聲明月埒  
平開慙予每對多佳思愛爾真同小謝才  
席門幽絕草堂空唯有書編可與同籬箭欲成梅子  
雨海魚初上棟花風一方環堵休棲處半頃南山蕪  
穢中寄語紛紛兒輩道了無事事癡癡翁  
賈子數過村居不值復至無有果糗之餉小  
挾筴將鋤南圃傭遽廬託宿任踈慵已看題字非成  
鳳可道登門即是龍離落供餐新菽美野筵媚客晚  
花穠去城一望無多路信棹相過不厭重

簡黃光祿無為壽四月八誕辰與佛祖先後

生

不見黃生鄙恡萌春波歧望不勝情貯書樓起緗籤  
富臨帖池開楮筆精疊疊英聲通仕籍汪汪美度屬  
鄉評知君夙昔多因地會適相逢佛誕生

夏初同友過竹山堂

種竹南山陞竹生日已廣猗猗蔚扶疎矯矯踰尋丈  
織雨澆清陰冷風發幽響一榻有餘閒三徑自成賞

伊余謝塵勞憩此空林爽良晤偶七賢玄言值二朗  
澄醪寫郛筒鮮萌侈盤盞相將從此君歲寒恣長往

棲山為石佛雲上人作

棲心絕迹慕支硎峻壁層崖入杳冥趺坐每將松作  
蔭巢居久與鳥忘形數聲清磬孤煙碧一縷名香列  
岫青莫道靜中無與晤點頭靈石可談經

石佛禪居雜詠

山房偶逐白雲過遊戲臨窓筆墨多却媿山陰王逸  
少遠公不惜聽經鶯

遠公道社舊知名水檻無風香自生只為陶潛池酒  
戒三杯竹葉澹然情

樹色花陰控石臺芙蓉一疊翠屏開玲瓏不為瑠瓊  
巧曾是當年喝破來

緇衣道者水雲家白學先生醉帽斜幽興不窮清晝  
未風前筆硯竹邊茶

紺殿朱樓倚日邊黃金布地散花天相逢為問前朝  
事至德于今八百年

至德唐肅  
宗年號

寄李山人

聞道西湖西澗西冥心晏坐入玄虛巖嶮瞰窓成鬼  
谷松欹懸屋是巢居

窈窕南山松桂深  
向平婚娶負初心  
風流想像逢姑射  
夢寐時時到武林

五月既望同諸友晚眺幽溪

日暮輟吾耕  
臨溪逐耦行  
良苗踈以立  
時雨及方盈  
林樹縈幽澗  
湖波帶遠城  
淹留將待月  
濁酒一杯傾

和溪字韻

綠柳乍尋溪  
從橋復度隄  
祇應林轉密  
遂使客行迷  
麻晚風連陌  
秧新水溢畦  
願言彼其子  
求矢考槃棲

和幽字韻

何處共盤游  
宛在鴛鴦洲  
為有琴尊好  
毋令筆硯投  
郊墟既超曠  
水木復清幽  
卜夜歡無盡  
兼之月可留

贈沈子

白日麗江濱  
衡茆無四隣  
依依楊葉暗  
處處鳥聲春  
繁礪臨圖史  
沉淪汲壑人  
懸知龍卧久  
雲雨會逢辰  
積雨初霽賦  
得雨餘清夏  
晚翳滄浮雲  
乍雨收離居  
慰藉有同游  
水溪驟失蕪  
葭渚門迥將  
連鷗鷺洲  
草砌候蟲陰  
欲暝風庭涼  
葉颯如秋  
每憐坐久心  
相醉更覺人  
閒地轉幽

王翁過宿

積陰六月風  
淒其殿殿雷  
自山南墮三  
徑草荒旬日

雨一庭花落萬年枝

俗云冬青六月花

夏筵晤坐憐冰抱晚

簾披襟媿玉姿問我將何為隱計携家早晚鹿門期

雨中諸友携酒抵暮言返

背郭衡門帶雨扁履綦衝濕草痕青長颯發發愆陽

候有淦萋萋積晦冥歌促杯深方飲德坐淹天晚竟

忘形回舟僅得鴛湖水想見歸家酒未醒

久雨初霽方外友遺糗餌見過

湖南夏月雨經旬孤屋浮洲與水鄰曉霽蟬聲分碧

樹晚涼風色引青蘋麻田欲了秧猶穉隴饁初甘麥

正新幸免桔槔機械事往來方外幾閒人

中秋同友真如寺西樓玩月

高樓百尺俯平川霽夜涼秋月滿天靈影正當閭樹

直慧光常並梵輪圓上方臺殿標人外下界河山落

鏡前弦望應知從幻變本來何處有虧全

釋書須彌山有閻浮樹月過樹影入月中

月夜十六夜諸友集湖上

蕭瑟千林葉欲踈清虛延望月來初輪規未減十分

滿秋色才過一半餘當戶向明懸顧兔臨湖映水取

方諸西園莫惜殷勤賞來夕相看又不如

十七夜復集玄桂堂遲月

璧月初成已復虧行看二八過佳期徘徊樓榭歡能  
幾徙倚攔干望轉遲潮水盛來占准候桂花飛處訝  
殘枝會須直詣無障礙常得光明夜夜隨  
錢塘潮十日廿五日小三日十七日大  
月光常滿但人自視之有偏正故見有盈缺王普  
曰有能凌倒景旁日月而參其間則常見全明

友過村居

荒郊蕭索柰秋何沒徑蓬蒿斷客過老去壯心時按  
劍狂來故態幾悲歌併甌但問聊儲粟紙墨何期可  
博鷺白首相知驚乍見飲中不道語言多

宿青蓮閣

羽客樓居傍水開飛窓層檻鬱崔嵬未圓月影空中  
墮不斷蓮香暗裏來沙樹縈圍成列障煙湖明滅一  
浮杯孤槎遙挂星河上夢入清虛白玉臺

楊子家於青蓮湖之陽能詩善飲好奕隱於

醫號枳村余每造之歎洽也先以四韻遂

和谷是日大風至晚乃歸

楊子居臨百頃泉尚玄高致舊來傳三杯中聖藏名  
日六着通靈坐隱年蘆蕩晚菱青角老藥畦芳枳綠  
苞圓畱歡稍待風波息搖曳歸舟落照前

寒夕邨居對雨同葉子

衡門直接五龍淵歲暮棲遲獨晏然坐上殘書幾近  
癖杯中濁酒得為賢寒聲入樹西風勁暝色連江片  
雨懸寂寞見人滋自喜竹窓燈火欲忘眠

和荅葉子兼寄吳子喬

寂寞慚非守太玄忽來好事五湖船慰寒雞黍為殮  
設卜夜荆薪代燭然林壑閒情忘歲逼江鄉物候覺  
梅先殷勤寄語車公道為爾難成歡咲筵

車胤善賞會雅流才彥樂與周旋時  
人為之語曰坐中無車公令人不樂

徂歲懷寄二王知己

窮年兀兀竄林丘述作徒聞可慰愁既老纍然翻類  
狗為生拙爾不如鳩經旬霖雨人踪絕一榻埃塵鼠  
跡留恠底二三同學者往來惟有寄書郵

雨夜與葉山人言別

蕭條踈雨滯寒更未夜空山幽獨情匏繫嗟余雙鬢  
短鴻飛羨爾一身輕紫芝煒燁同心賞白石優游卒  
歲盟別後相思秋一日燈前繼繼酒頻行

陳子忠過宿同子京弟分韻

花萼金蘭分自親相看婉孌共三人江湖豪氣元非  
減貧賤交情轉更真映雨篝燈淹細酌臨風竹榻拂

輕塵從來少小同游地何必尋源學問津

人日晤飲方山人山人別三年始一來

初陽開歲暢和風疊勝裁花翦綵叢此日光輝人自得此時歡晤爾為同冀知應月方將半十解隨春已復東欸欸莫辭深夜飲年季常是別離中

穀日集姚叔信隱居

田家推候習成風何用占書驗歲豐但道日辰宜百穀遽欣畊畝秩農功土含膏潤陽初復水沆春聲凍始融共是海濱耕者耦姑為酒醴得時同

方山人戒行復停三宿

之子欲行猶未行湖空村靜夜寒生正看春月還成缺况對禪燈無盡明松竈流香供野蕪竹隣分釀過甕罌休嫌濡滯仍三宿不道東山遠別情

和子宇雪夜有懷二首

北風吹素塵况復別離新便娟初學舞分散最關人瑤華難把贈瓊樹憶情親愁心向白雪併積不消春蘭房悄不怡瀼瀼夜雪時唯應琴可共空與月相宜浮雲既渺渺遠道復瀰瀰持將幽獨意要以歲寒期屠一過村居兼攜酒饌歡馬竟夕感今懷昔

率成四韻

主歌有酒滑如澠客賦將歸意未能春月墮林疑夜  
促曉霜被野覺寒凝水連天漢湖雙逸里入桃花樹  
幾層誰料平生游俠伴團樂共坐佛前燈

鄒子別自燕臺於今五年雨中集村居賦得

夜雨故人舟

中散無煩千里駕鷓夷能汎一孤舟野陰四合含殘  
雨湖勢雙分急暮流杯酒歡言聊末夜山川別日幾  
成秋鄒生雅調同吹律便覺春回浚谷幽

和鄒子涯字

南湖沃蕩四無涯碧澗縈迴一道斜晚愛林園從偃  
仰春憐水木共清華流風靜几開琴軫踈雨虛簷墮  
燭花莫道貧居無餉客晴光遲曉足雲霞

再和迷字

五載睽離手重攜悲風况復雨淒淒為家負郭非三  
頃學圃開林僅一畦村靜地偏心獨遠溪深竹密客  
常迷慚非荷蓀歲名者款宿春宵具黍雞

鄒子奄至輒貽五言

雕龍旣辨天談理復通玄杯搖滄海色衣帶洞庭煙  
遺名方在野遜跡不分屢非是山陰夜何因訪戴船

陳子忠見遺幽瀾二壘兼侑佳什



尺素遙傳挾兩壘春風虛牖曉寒生  
攜來滴滴蒼崖色寫出泠泠白玉聲  
玄味頗同君子淡醇甘不數聖人清  
知君為念文園客一勺能消久渴情

送謚上人

年少初心學靜修參方復事遠行游  
空江涼露布毛上落葉寒風杖錫頭  
大道不隨蹊徑惑寥天應共水雲流  
只今江左多禪刹到處相逢針芥投

雨中集真如禪房玩海棠屏

一枝婉孌倚香臺四照光搖入酒杯  
不是妙華林裡獻定從鹿女海邊來  
寶莊火樹重重匝錦疊屏風面面  
開欲駐朱顏同讌咲暮天風雨故相催

僧房海棠云以酒灌溉則榮盛戲作二絕

本是僊人萼綠華皈依暫託梵王家  
只因沾灑醍醐酒常得醜顏帶紫霞

空虛色相靜中看燁燁芳叢映石欄  
莫使閒情仍戀着任他風雨自摧殘

家弟子京遣問兼寄天池新茶惠山泉

阿連風致擬陶家每對封題思更嘉  
旋取九龍山下水初來三月雨前茶  
溶溶白雪方傾液藹藹蒼雲欲放芽  
自向石爐聊點試清風虛院落殘花

水竹居為鍾太初作

波光煙色敞房櫳池水分流竹幾叢澹澹淵澄符上  
善泠泠修勁見高風游魚曲島荷梁度棲鳳深林野  
徑通未許漁樵常混跡漢庭卿佐郡僚中山泉

讌集水竹居

使君何用買山資創宇開林自昔時隨意尊壘常就  
竹乘閒翰墨每臨池花要謝客移游屐鳥訝山公倒  
接離日暮無歸應待醉輕舟不畏逆風遲

靜山詩

寂寞高樓有隱淪丹山翠壁鬱嶙峋間看桃李成蹊  
逕屏息聲聞養穀神雲石正宜安枕客松風不擾挂  
瓢人却嫌黃綺翻多事致使誼誼車馬塵

水竹居集贈姚子公綬侍御之孫

逸史風流世所宗看君嫵婉想遺蹤箴儀林下為雛  
鳳潛德雲東即卧龍壯思花前飛藻麗童顏酒後渥  
丹濃渭陽意氣元相似日賞園池翠竹重

萬子假館落星之洲相距甚邇不見久簡寄

今年春事少清明強半都歸風雨聲星宿渚連相對  
望鴛鴦湖隔兩邊情几搖修竹清常挹筆引飛花錦  
自生莫訝嵇康成嬾慢絕無書問及交盟

澤上人西庄牡丹會分華字茲會也僅三舉  
遂經卅年

榮榮色界舊栽花幻出新枝朶朶嘉傾國不專金屋  
蕙蕪言自倚石欄斜葳蕤交辦團香雨炫爛重樓疊  
錦霞十載相看成一咲臨風杯酒惜芳華

褚氏東庄紫牡丹坐有越姬雪琴嘗以善琴  
得聲東南間

名花傾國本同心相盼相憐兩不禁騁豔套將衣上  
紫含香妬殺咲中金謝家錦墅陽春色卓氏瑤琴白  
雪音落日一杯須盡醉明朝綠葉又成陰

閒居書事

幽居宛在水中泝春晏清嘉事事宜日上早花蜂過  
後雨餘新筍燕來時簾開雙峽供書案軒敞重湖入  
硯池睡課了來茶正熟薰爐殘燼晝遲遲

謹微詩

余過芝溪遘魏子為午餉放飯不謹卒羅鯁  
患舊聞王江涇醫有專家相去迺迎致之  
則女媪也迺先探視患際藥餌一丸淡黃  
大可龍眼比岐竹筋啣綴之以衡卧願聞  
令口吐并按其舌本可直達吸門乃以銅

齋盛藥末七許噓而入者三四之藥綠色  
苦而辛頗類皂筴氣遂大嘔逆痰涎涌溢  
鯁隨出大都妙在於吐彼言在藥能引拔  
者蓋其張大自神爾又此患治貴疾速稍  
緩則創深臃腫窒塞力無施矣夫變起七  
筋患在几席是以微眇之際蒙莊之所取  
畏焉者覽古尊老之禮前有祝鯁則鯁者  
固衰老所時有祝之令謹爾余作詩體其  
義命之曰謹微夫固自為之祝耶方其患  
時東禪經翠林者頗嘗効諸方餌雖其功  
非所有然其意亦勤矣書贈之

咽嗑忽微處心驚七筋中素乏貪饕戒其如亮直風  
特餌懸鈞鉅魚腸匿劍鋒欲知良有藥請驗苦為功  
雅集真如禪房待月

落日餘歡更徙觴南林風竹韻笙簧爐煙淨宇雲重  
臺塔影空庭月一方為挹醞醕能養性因濡甘露得  
生涼相逢正可淹留處莫問何其夜未央

王子馬場湖別墅因命馬場曰郎官

郎官為愛馬場水因以郎官號此湖開逕即應同蔣  
謂為池非是學陶朱亭臺佳處花千品煙雨叢中竹

萬株杯酒雅歌歡不足還因餘暇著潛夫

姚子山居玩芍藥

幸登僊錄出羣芳傾絕揚州歌舞場未取孤根充藥  
便先將殊色侍花王綠衣綽約并成列紅粉翩翩各  
一行珍惜莫教輕贈別與君共醉合歡觴

五月朔真如華嚴道場

偶緣初地躡雲峰更上層臺第五重心似調猿叅法  
席身同馴鳥省齋鐘蓮花金口親聞說寶樹音聲盡  
表宗不是靈山元有會那能多劫復相逢

真如禪房飲雪水龍井茶

勞心如渴欲生埃每見憐君供茗杯纖莢新從龍井  
得冽泉舊是雪山來風前晏息維摩榻雨後清涼般  
若臺若使陶潛同此意不將嗜好重尊壘

暇日集諸禪友結社真如寺得分字

石房松榻引爐熏玉麈玄談罽席分明滅湖光涵色  
相氛氳野望入煙雲浮圖涌地富窓見僊樂流空隔  
座聞淹賞屢尋蓮社約相歡况是竹林羣

韓松隣徵德詩并序

余讀世家知韓氏蓋世有陰德云至松隣者  
源本有自殆出於天性然也方其客宦也

寥遠荒僻彼若人者特逆旅遘會未嘗締  
宿昔接殷勤夫固秦越人也而秦越之亦  
恒情爾已松隣顧獨憫之周之傾絕羸資  
營之百方卒免於困難今夫親懿舊故不  
幸而羅厄患視之泯然一毛半菽動見恹  
色若松隣者可不謂至難至難哉是時松  
隣又念無子輒自免歸居亡何而子若孫  
繩繩焉彬彬焉行且上計借登南宮寵榮  
褒揚立可俟也今之人徃徃援此以例天  
道報施矣然君子立誠之心固非先計獲

於今茲也夫亦修已俟之矣若曰我善而  
冀佑助於天有若執左契責償者是交易  
之道求知於天之說也豈所以語松隣哉

余既爲之詩意之不能盡者著於此詩曰  
大海不言潤仁人非市惠苟有槩於中匍匐極援濟  
涸輒見濡澤枯鱗立悠逝羈纍舉覆盆南冠返遐裔  
一簣成丘山立德不在細善者必有後天道豈茫昧  
乎公高門閭王子列槐植自古良有然餘慶啓來世  
軌轍遵青雲光輝暎朱芾何以徵淵長當湖水瀟瀟

夏日白蓮寺禪居

夏時結制日偏長蒲簟經函淨竹房現相蓮華將證  
果當機簷蔔但聞香風來新水含溪爽雨去停雲傍  
牖涼久坐不愁歸路遠出門指度有慈航

暑中謝客

衡門之下可棲遲長日無營得自怡魚影戲踰過岸  
水蟬音搖曳入簷枝田疇稱力時相課紙墨乘閒脫  
復為衰晚近來便靜寂經旬結制習禪規

村居晚坐

雨過野涼生開簾向晚晴蛛絲紛自繞螢火競為明  
易滿溝塍潦旋飄木槿榮何如一杯酒兀傲且忘情

首夏宿青蓮閣

林密雲深小洞天采真重過木蘭船寔瀛殿閣滄波  
上吳會山川落日邊芝草含英初入夏桃花成實又  
經年棋枰杯酒厭厭夜誤道過逢楠壤僊

青蓮蕩田舍

暖風晴日颺輕煙正是清和四月天飛絮衡門方燕  
乳條桑村塢過蠶眠偶因蔬圃多芳肯為弄魚舟足  
美鮮沃壤乘時先稼事家家新水滿秧田

芝溪花時尋舊約

址津言涉木蘭輕羸得殘春幾日晴天雨飛沙彌望

今日搖大澤蕩空明花村層閣通禪寺柳岸重橋過  
主城門徑舊來今不忘一溪芝草水清清

真如禪房內涼

香臺窈窕白雲阿曲澗逶迤引碧波滋蔓相因當徑  
草虛綠不斷附墻蘿金行應氣涼風至月道從星秋  
雨多非是逃禪許玄度祇緣隣近得常過

冬初村居彭比部見存

幽棲非擬鹿門龐竹以為扉紙作窓村迥郊墟無與  
並橋分湖水却為雙菊枝遲賞餘寒圃杯酒歡言續  
夜缸欲問如何更肥健老來心戰始能降

姜廣文以園菊篇什見贈用韻奉荅

林園物候正清秋廣文先生冠已投應知花畔堪成  
咲况有杯中可解愁甘露朝奉流水谷香風夕攬落  
英洲問君并乞和丹法佇俟紅顏變白頭

贈沈子號市南

宜僚持操昔常聞曠世追蹤復見君入座薰風青峽  
送到門流水碧湖分空林謝俗千竿竹南隴深耕數  
畝雲盡道市廛成大隱何須高蹈絕人羣

送吳子喬還洞庭

白沙脩竹自村墟高卧東山有舊廬峯近天中浮縹



縹洞穿水底出空虛游僊王烈惟求藥困志虞卿只  
著書但各加殫慰相憶兵戈况是暮年餘

少嶽詩集三卷終



